

**CYNGOR CYMUNED MANORDEILO A SALEM**  
**CYFARFOD 12<sup>fed</sup> EBRILL 2017**

Cynhaliwyd cyfarfod o Gyngor Cymuned Manordeilo a Salem am 7.30pm ar y 12<sup>fed</sup> Ebrill 2017 yn yr Ystafell Ddarllen, Cwmifor.

**PRESENNOL**

Cynghorwyr Arwel Davies, Jill Davies, Gwenfil Evans, Peter Harries, Dorian Jenkins, Owen Williams a'r Cynghorydd Sir Joseph Davies.

**1. CROESO AC YMDDIHEURIADAU**

Croesawodd y Cyng. Joseph Davies y Cynghorwyr i'r cyfarfod a hefyd y Clerc yn dilyn ei arhosiad diweddar yn yr ystyby. Diolchodd y Clerc i'r Cynghorwyr am y trefniant blodau hardd a hefyd y dymuniadau da a dderbyniwyd ganddi. Derbyniwyd ymddiheuriadau gan y Cynghorwyr Alun Davies, Doris Jones, William Loynton ac Andrew Thomas.

**2. CADARNHAU COFNODION Y CYFARFOD DIWETHAF**

Cynigiwyd gan y Cyng. P. Harries, eiliwyd gan y Cyng. G. Evans ac roedd pawb yn gytûn, bod cofnodion y cyfarfod diwethaf a gynhaliwyd ar yr 8<sup>fed</sup> Mawrth 2017, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

**3. DATGANIADAU O DDIDDORDEB**

Derbyniwyd y datganiadau o ddiddordeb canlynol gan y Cynghorwyr:

Cyng. D. Jenkins – Eitem 9 – Cais Cynllunio E/35356

Cyng. P. Harries – Eitem 10 – Gwaith Cynnal a Chadw ar y Meinciau yn yr Ardal Chwarae

**4. MATERION YN CODI**

4.4.4.4.5ix) Nid yw'r gwasanaeth rhyngwyd rhad ac am ddim wedi'i osod eto yn Neuadd Goffa Heolgaed Salem nac Ystafell Ddarllen Manordeilo; Clerc i wneud ymholiadau. Clerc

4.4.4.4.5v) Dim pellach gan Gyngor Sir Caerfyrddin (C.S.C.) parthed y blychau ffôn yn Rhosmaen, Salem a Phenybanc.

4.4.4.12.3. Mae'r gwaith o ddarparu biniau baw ci ar gyfer Pont Isaac a Phenwaun Cwmifor mewn llaw.

4.4.11. Mae'r gwaith o ddarparu paneli solar gan 'Carmarthen Energy' yn Neuadd Goffa Heolgaed Salem ar waith.

Awgrymwyd y dylid llunio rhyw fath o ddogfen gyfreithiol er mwyn ffurfioli'r manylion.

5viii) Mae'r gwaith atgyweirio ar y gylchfan ar y Gyffordd rhwng yr A40 a'r A483 wedi'i wneud ac mae Bwi Le Conquet wedi'i ail osod.

6A) Mae llythyr wedi'i anfon at Mrs Wendy Phillips yn gofyn iddi ymgymryd â'r gwaith o archwilio cyfrifon y Cyngor yn fewnol ac mae wedi cytuno i wneud hyn. Y Clerc i baratoi'r gwaith papur a'r cofnodion angenrheidiol gan hefyd wneud yn siŵr bod yr hysbysiadau perthnasol wedi'u harddangos. Clerc

10i) Mae'r pedwerydd diffribliwr bellach yn ei le yn y 'Plough Inn' gyda mynediad 24 awr i'r gymuned. Mae'r Clerc wedi gofyn am arwyddion gan yr Elusen 'Cariad Heart' er mwyn arwyddo lle yn union y caiff ei gadw sef yn y lobi wrth ymyl y dderbynfaf.

10iv) Mae sticer wedi'i osod yng nghabinet y diffribliwr yn Ystafell Ddarllen Manordeilo er mwyn rhoi gwybod 'gwasgwch C a throwch y ddolen i agor y cabinet', bydd arwyddion tebyg yn cael eu rhoi yn yr unedau yn Salem a Chapel Isaac. Cynghorwyr P. Harries/G. Evans

13i) Dim pellach gan C.S.C. parthed y pryderon am gyffordd y C2118 a C2152 ym Mhenybanc.

13ii) Clerc i archwilio'r sefyllfa parthed sbwriel wrth ymyl yr A40 ym Manordeilo.

Clerc

**5. GOHEBIAETH**

i) Cyfriflen Banc Lloyds dyddiedig 01/03/2017, Taflen Rhif 90, Gweddill £7,750.48.

Nodwyd

ii) Cyfriflen Banc Lloyds dyddiedig 31/03/2017, Taflen Rhif 91, Gweddill £3,061.84.

Nodwyd

iii) Cyfriflen Banc HSBC dyddiedig 15/03/2017, Taflen Rhif 320, Gweddill £171.49.

Nodwyd

iv) C.S.C. Cyhoeddi canlyniad etholiad Cyngor Cymuned Manordeilo a Salem na chafodd ei hymyl ac awdurdodi a gweithredu i gyfethol dau aelod ychwanegol.

Clerc

- v) C.S.C. Deddf Rhyddid Gwybodaeth, cais am wybodaeth. Clerc
- vi) C.S.C. Cywiro Taliadau am Oleuadau Llwybrau Troed ar gyfer 2017-18. Nodwyd
- vii) C.S.C. Manylion am Waredu Gwastraff Gardd; mae'r Clerc wedi gofyn am gopïau ychwanegol ar gyfer yr hysbysfyrddau a chopi electronig i'r wefan.
- viii) Llywodraeth Cymru, Gorchymyn Drafft Cefnffordd yr A40, Cyfyngiad Cyflymder o 50 MYA Cwmifor i Manordeilo. Nodwyd bod y Gorchymyn hwn yn gorffen yn fyr ar yr A40 o amgylch Gorsaf Betrol Manordeilo. Mae'r Cyngor Cymuned eisoes wedi codi pryderon am ddiogelwch yn y man hwn lle mae yna symudiadau traffig arwyddocaol ar draws y briffordd, a chyffordd gyda ffordd lai a hynny er nad yw'n hawdd iawn gweld y traffig yn dod o gyfeiriad Llandeilo. Clerc i ysgrifennu at Lywodraeth Cymru gan fynegi'r pryderon hyn ac i awgrymu y dylid parhau â'r cyfyngiad cyflymder hyd at y terfyn cyflymder presennol sydd wrth i chi ddod at gylchfan Llangadog. Clerc
- ix) Llywodraeth Cymru, Canllaw'r Cynghorydd Da. Clerc i wneud copi'r un i'r Cynghorwyr. Clerc
- x) Un Llais Cymru parthed cyfarfod pwyllgor ardal, apwyntiadau ac adolygiadau Nodwyd
- xi) Ymddiriedolaeth Coetiroedd, Siarter Goed, Coedwigoedd a Phobl. Nodwyd
- xii) Llythyr o ddiolch gan Glwb Hoci Teigrod Tywi am y rhodd. Nodwyd
- xiii) Clwb Criced Llanwrda, cais am gymorth ariannol. Chwef

## 6. ADOLYGIAD O'R GYLLIDEB

Mae'r Gyfriflen Banc ar yr 31ain Mawrth 2017 yn dangos gweddill o £3,061.84. Mae un siec o £100.00 sydd heb ei chyflwyno a fydd yn dod â'r ffigwr i £2,961.84. Cynigiwyd gan y Cyng. P. Harries, eiliwyd gan y Cyng. O. Williams gyda phawb yn gytûn y dylid cymeradwyo'r ffigurau hyn.

## 7. GOLEUADAU

Dim i'w drafod.

## 8. LLWYBRAU TROED

- i) Mae cyflwr gwael y naw sticill a gatiâu ar hyd llwybrau troed o amgylch Salem wedi'u hadrodd i C.S.C. ac maent wedi gofyn am wybodaeth fwy manwl ynghyd â ffotograffau. Bydd y Cyng. P. Harries yn trafod gyda'r unigolyn wnaeth godi'r mater yn wreiddiol oherwydd fe wnaeth gynnig cymorth; bydd hyn yn dilyn ei drip tramor. Cyng. P. Harries
- ii) Bydd y Cyng. Arwel Davies yn gwneud ymholiadau o ran y gwaith cynnal a chadw sydd eisoes wedi'i wneud ar lwybr troed Tyle ac unrhyw waith sy'n ofynnol i'w wneud yn y dyfodol. Cyng. Arwel Davies

## 9. CYNLLUNIO

Unwaith eto fe wnaeth y Cyng. D. Jenkins ddatgan ei ddiddordeb yng Nghais Cynllunio E/35356 ac ni chymerodd ran yn y drafodaeth na'r penderfyniad.

Cytunwyd y dylid cyflwyno'r sylwadau canlynol i Adran Gynllunio C.S.C.:

E/35356 Gwelliannau i Fynedfa Bresennol y Cae

Brynhyfryd

Heol Talylychau

Llandeilo

SA19 7HU

Mr a Mrs E Price

**Dim Gwrthwynebiadau**

E/35357 Materion Wrth Gefn – Datblygiad Preswyl o Chwe Anedd

Cwrt Y Felin

Tanerdy

Rhosmaen

Llandeilo

SA19 7AF

Ms D Gordon

**Dim Gwrthwynebiadau**

Derbyniwyd hysbysiad o gymeradwyaeth o newid nad yw'n ymwneud â deunydd – i waredu amodau 6,7 a 8 ar E/29639 (Cod ar gyfer Cartrefi Cynaliadwy), Cwrt Y Felin, Tanerdy, Rhosmaen, Llandeilo SA19 7AF.

Hefyd derbyniwyd hysbysiad o Wrandawriad Cynllunio parthed Tir heibio i Fythynnod yr Hope, rhwng New Inn a Taliaris, Llandeilo SA19 7UR i'w gynnal 17 Mai 2017, 10.00am Canolfan Tywi, Fferm Dinefwr, Llandeilo SA19 6RT.

## 10. CYNNAL A CHADW MEINCIAU AC ARDAL CHWARAE CALEDFWLCH

- i) Bydd y Clerc yn trefnu dyfynbrisiau er mwyn gosod mainc newydd ar y safle sydd ger y gyffordd â Heol Talylychau a'r A40. Clerc
- ii) Unwaith eto fe wnaeth y Cyng. P. Harries ddatgan diddordeb ac ni chymerodd ran yn y drafodaeth na'r penderfyniad canlynol. Cyflwynwyd dyfynbris o £250 gan Gwasanaethau Adeiladu Iwan Harries am y gwaith o atgyweirio chwe hysbysfwrdd a'r meinciau ym Mhont Isaac a Dolau Tywi. Cynigiwyd gan y Cyng. O. Williams, eiliwyd gan y Cyng. Jill Davies ac roedd pawb yn gytûn y dylid derbyn y dyfynbris hwn. Cynigiwyd gan y Cyng. G. Evans, eiliwyd gan y Cyng. Arwel Davies ac roedd pawb yn gytûn y dylid defnyddio 'Sadolin' i'w rhoi ar y pren i'w gadw ac y dylai'r Cyngor brynu hwn yn uniongyrchol. Clerc
- iii) Trafodir Ardal Chwarae Caledfwlch yn y cyfarfod nesaf. Fel y cytunwyd yn flaenorol bydd y Cyng. W Loynton yn archwilio statws y coed presennol i weld a oes angen gwneud gwaith arnynt yn dilyn yr arolwg a wnaed o'r coed y llynedd. Cyng. Joseph Davies i brynu'r hadau porfa. Cyng. W. Loynton /Cyng. Joseph Davies
- iv) Nodwyd nad yw C.S.C. wedi torri'r porfa eleni yn yr ardal chwarae, y Cyng. Joseph Davies i edrych ar hyn. Cyng. Joseph Davies

## 11. CYFRIFON I'W TALU

- i) Ystafell Ddarllen Manordeilo, Llogi'r Neuadd, Ionawr, Chwefror a Mawrth 2017, Siec Rhif 1217 £52.50
- ii) Mrs Jane Davies, Cyflog y Clerc Mawrth 2017, Siec Rhif 1218 £400.00

**CYFANSWM £452.50**

## 12. UNRHYW FATER ARALL

- i) Adroddodd y Cyng. O. Williams ar Gyfarfod Ardal Un Llais Cymru a fynychodd, mae'r nodiadau wedi'u dosbarthu i'r Cynghorwyr. Diolchwyd i'r Cyng. Williams am fynychu ar ran y Cyngor ac am ei adroddiad. Clerc
- ii) Hefyd rhoddodd y Cyng. O. Williams ddiweddariad ar gynnwys y Papur Gwyn 'Diwygio Llywodraeth Leol – Cadernid ac Adnewyddiad' a'i oblygiadau i gynghorau cymuned. Bydd y diweddariad yn cael ei anfon at Gynghorwyr er gwybodaeth. Unwaith eto diolchwyd i'r Cyng. Williams am ei waith. Clerc
- iii) Adroddwyd bod ymyl y ffordd wrth ymyl arhosfa bws Manordeilo wedi'i ddifrodi; bydd y Cyng. Joseph Davies yn ymchwilio i'r mater. Cyng. Joseph Davies
- iv) Adroddwyd bod rhywfaint o ymddygiad gwrth cymdeithasol wedi digwydd ym Manordeilo gyda phlant ar gefn beiciau yn tarfu ar breswilydd trwy gnocio ar ffenestri; Clerc i'w anfon at Swyddog Cymunedol yr Heddlu. Clerc

Hysbysodd y Cyng. Jill Davies y byddai'n ymddeol o'r Cyngor Cymuned ac o ganlyniad dyma fyddai ei chyfarfod olaf. Llongyfarchwyd y Cyng. Davies ar ei gwasanaeth neilltuol a diolchwyd iddi am ei hymroddiad fel aelod o Gyngor Cymuned Manordeilo a Salem sy'n mynd yn ôl deng mlynedd ar hugain a chyn hynny gyda Chyngor Llandeilo Fawr. Fe welir ei cholli ac ymunodd pob Cynghorydd i ddymuno'n dda i'r Cyng. Davies a dymuniadau gorau o ran ei hymddeoliad.

Gan nad oedd unrhyw fusnes arall, diolchodd y Cadeirydd i'r aelodau am fynychu a daeth y cyfarfod i ben am 9.05pm.

.....10 Mai 2017  
CADEIRYDD